

玉

海

六十八

玉海卷第一百三十六

浚儀王應麟伯厚甫

兵制

兵制一

歷代兵制沿革或出於民則考其成丁歸農之限
耕戰部伍之法調發教閱之節屯戍替易之期或
出於兵則考其兵民之分自何時興其部伍調發
廩給之制歷代之兵內外輕重之勢用兵道里之
遠近歷時之久速形勢之利害糧食之難易將權
之專雜軍律之得失皆當詳考

黃帝營衛

史記黃帝以師兵爲營衛正義環繞軍兵爲營以自衛若轅門卽其遺像

黃帝制兵

李靖問對

見陣法

通典

通鑑外紀

見地理

舜兵衛

文中子王道篇舜一歲巡五岳國不費而民不勞兵衛少而征寡也

夏六師

書胤征胤侯命掌六師

甘誓召六卿

詩正義夏

時六年之將亦命卿其法與周同 家語夏后興六師以征不序

周六軍 六鄉 六遂 見田制

夏官大司馬凡制軍萬有二千五百人為軍王六軍

大國三軍次國二軍小國一軍

疏上公為大國侯伯為次國子男為小國

軍將皆命卿二千五百人為師師帥皆中大夫五百

人為旅旅帥皆下大夫百人為卒卒長皆上士二十

五人為兩兩司馬皆中士五人為伍伍皆有長

疏上士得

號行司馬及在軍二十五人長中士號兩司馬五人長下士號公司馬以司馬主軍軍事立嚴雖卑亦同

號也注鄭司農云春秋傳曰襄十四年成國不過半天

子之軍王爲六軍諸侯之大者三軍可也詩常武整

我六師文王曰六師及之

書張皇六師詩韎韐有奭以作六師

此周之

爲六軍之見于經也

正義以當時有不信周禮者故引爲證

春秋傳曰

莊十六年王使虢公命曲沃伯以一軍爲晉侯此小

國一軍之見於傳也

夏官卒二十五人爲兩故傳曰廣有一卒卒偏之兩者

軍

師旅卒兩伍皆衆名也伍一比兩一閭卒一旅旅一

黨師一州軍一鄉家所出一人將帥長司馬者其師

吏也凡軍帥不特置選於六官六鄉之吏自鄉以下

德任者使兼官焉

疏州長職注云於軍因爲師帥自黨以下注皆云因爲旅帥因爲卒

長

地官小司徒乃會萬民之卒伍而用之五人爲

伍五伍爲兩四兩爲卒五卒爲旅五旅爲師五師爲軍以起軍旅作田役比追胥令貢賦注此皆先王所因農事而定軍令者也欲其恩足相恤義足相救服

容相別音聲相識鄉之田制與遂同

疏鄭注遂之軍法如六鄉以遂

內不見出軍之法唯有田制而已

司常注師都六

鄉六遂大夫也疏六鄉大夫皆卿六遂大夫皆大夫

也於洫眾則曰師凡起徒役毋過家一人以其餘

都於洫軍則曰軍吏

爲羨唯田與追胥竭作大軍旅帥其眾庶大司徒

令五家爲比

有長

五比爲閭

有胥

四閭爲旅

有師

五

族爲黨

有正

五黨爲州

有長

五州爲鄉

有師

注司徒

掌六鄉鄉師分而治之

小司徒大比六鄉四郊之吏

遂人五家

王
海
卷一百三十六
三
爲鄰

有長

五鄰爲里

有宰

四里爲鄣

有長

五鄣爲鄙

有師

五鄙爲縣

有正

五縣爲遂

有師

注遂人主六遂

若司徒之於六鄉也六遂之地自遠郊以達於畿中

有公邑家邑大都小都焉鄭司農云百里內爲六鄉

外爲六遂

書疏一鄉出一軍
鄉爲正遂爲副

族師十家爲聯十人

爲聯八閭爲聯

一鄉五州二十五黨百二十五族

五百閭二千五百比一萬二千五百家司馬法萬二

千五百人爲軍天子六軍出於六鄉諸侯大國三軍

出於三鄉

按司馬法二十五人爲兩四兩爲卒五卒
爲旅五旅爲師五師爲軍萬二千五百人

也遂之制五縣二十五鄙百二十五鄣五百里二千

五百鄰萬二千五百家以起政役亦如之王國百里
爲郊鄉在郊內遂在郊外六鄉謂之郊六遂謂之野
易氏曰先王軍制調兵必五數出兵必百數五家
爲比則五人之伍五比爲閭則五伍之兩以至五黨
爲州則五旅之師五州爲鄉則五師之軍其積數實
起於五人之伍不五數不足以調兵也百人之卒成
一小陳五百人之旅成一中陳二千五百人之師成
一大陳萬二千五百人之軍成五大陳其積數實起
於百人之卒不百數不足以出兵也春秋正義家
出一人故鄉爲一軍天子六軍出於六鄉則大國三

軍出自三鄉其餘公邑采地之民不在三軍之數詩公

劉正義周之軍賦皆出於鄉家出一人故鄉爲一軍

諸侯三軍出於三鄉而已其餘公邑采地不以爲軍

若夏殷之世則通計鄭注小司徒司馬法云成出革

一國之人以爲軍數

車一乘甲士十人徒二十人謂公卿大夫畿內采地

之制杜注云甸出長轂一乘甲士三人步卒七十二

人多是司馬法而以周禮冠之謂諸侯邦國出軍之

法故不同古者用兵天子先用六鄉六鄉不足取六

遂六遂不足取公卿采邑及諸侯邦國若諸侯出兵

先盡三鄉三遂鄉遂不足然後總征竟內之兵此一

車甲士步卒總七十五人周禮大司馬五人爲伍云

云大數不同者大司馬所云謂鄉遂出軍及臨時對敵布陳用兵之法此甲士三人步卒七十五人謂徵課邦國出兵之時所徵之兵既至臨陳還同鄉遂之法先偏後伍卒偏之兩千夫長百夫長是臨時對敵皆用卒兩師旅也四邱爲甸據上地言之若以上中下地相通則二甸共出一乘甸卽乘也六十四井出車一乘故以甸爲名魯是大國甲兵先多僖公之世頌云公車千乘僖公之蒐傳稱革車千乘 三禮義宗周制天子六鄉六遂諸侯大國三鄉三遂小國一鄉一遂鄉及遂各萬二千五百家鄉內則立比閭族

黨州鄉之名遂內則立鄰里鄼鄙縣遂之名俱有六等異其屬官之名者別內外也然居郊之內而非鄉民者謂廛里邑之士居郊之外而非遂民者謂之公邑鄙之人六鄉六遂及公邑之法則不爲井田都鄙采地之制則爲井田遂人所造溝澮者是鄉遂之制小司徒所造邱甸者是采地之法 魯語魯季武子爲三軍叔孫穆子曰不可天子作師公帥之以征不德

師謂六軍

元侯作師卿帥之以承天子

師三軍也

諸侯有卿無軍帥教衛以鄼元侯次國之君有命卿無三軍禮所謂次國二軍小國一軍謂以賦出軍從

征伐也自伯子男有大夫無卿帥賦以從諸侯無命卿也是以上能征下下無姦慝 齊語管子曰聖王

之治天下參其國而伍其鄙注國郊以內鄙郊以外也謂三分國都以爲三軍五分其鄙以爲五屬也聖王謂若湯武也 坊記疏據司馬法之文諸侯車甲牛馬皆計地令民自出若鄉遂之衆七十五人則遣出革車一乘甲士三人馬四疋牛十二頭恐非力之所能皆是國家所給故周禮巾車職毀折入齎于職幣又質人云凡受馬於有司者書其齒毛與其賈司兵云及授兵從司馬之法以頒之及其受兵輸亦如

之是國家所給也 牧誓武王戎車三百兩虎賁三

百人注兵車百夫長所載也疏臨敵對戰布陣之時

則依六鄉軍法

史記武王戎車三百乘虎賁三千人甲士四萬五千人以伐紂 書疏車

有七十二人三百乘當有二萬一千六百人

劉敞

日誓司徒司馬司空此三卿三軍也諸侯以百乘爲軍不以萬二千五百人爲軍下天子

泰誓大巡六師

也一乘則一右右皆虎賁勇士也

姜卒 大司馬中秋郊野載旒

注云以其將姜卒也

修閭氏

與其國粥疏謂國家粥養未入正卒且爲姜卒者

鄉師疏六軍之外別有民從使役皆出於鄉故鄉師

治其徒役

詩祈父箋六軍之士出自六鄉法不取

於王之爪牙之士

采芑箋方叔戎車三千乘其士

卒皆有佐師扞敵之用司馬法兵車一乘甲士三人步卒七十二人宣王承亂羨卒盡起

羨謂家之副丁也

公劉其軍三單箋大國三軍以其餘卒爲羨單者無羨卒也

疏公劉夏時諸侯周制因三單是單而無副

古者國有游倅

田有餘夫軍有羨卒所以副其正也 曾子固曰周

有天下諸侯之國千八百以中數率之通有兵二萬

五千爲四千五百萬而羨卒未在其數 古制莫備

於周有井牧之田伍兩之兵溝封之固郊關之限循

蠶之警壺櫟之守不得已而用民則鄉遂公邑三等

采地以次召發不止則諸侯又不止則有遍境出之

法乃知古人雖以禮義廉恥爲域民固國之道未嘗不設險用師以輔之也

周軍制

見陣法類 李靖問對周之始興太公實繕其法始於改都以建井畝戎車三百兩虎賁三百人以立軍制

周乘馬法 軍賦

漢刑法志殷周以兵定天下天下既定戢藏干戈教以文德而猶設司馬之官立六軍之衆因井田而制軍賦地方一里爲井井十爲通通十爲成成方十里

成十爲終終十爲同同方百里同十爲封封十爲畿

畿方千里有稅有賦稅以足食

田租也

賦以足兵故四

井爲邑四邑爲丘丘十六井也有戎馬一匹牛三頭
四丘爲甸甸六十四井也有戎馬四匹兵車一乘牛
十二頭甲士三人卒七十二人干戈備具是謂乘馬
之法一同百里提封萬井除山川沈斥城池邑居園
囿術路三千六百井定出賦六千四百井戎馬四百
匹兵車百乘此卿大夫采地之大者也是謂百乘之
家一封三百一十六里提封十萬井定出賦六萬四
千井戎馬四千匹兵車千乘此諸侯之大者也是謂

千乘之國

包氏論語注謂井田方里爲井一井爲乘百里之國通有千乘

天子畿方

千里提封百萬井定出賦六十四萬井戎馬四萬匹
兵車萬乘故稱萬乘之主戎馬車徒干戈素具春振
旅以搜夏拔舍以苗秋治兵以獮冬大閱以狩皆於
農隙以講事焉五國爲屬屬有長十國爲連連有帥
三十國爲卒卒有正二百一十國爲州州有牧連帥
比年簡車卒正三年簡徒羣牧五載大簡車徒此先
王爲國立武足兵之大略也 夏官大司馬凡令賦
以地與民制之土地食者參之二民可用者家三人
中地食者半二家五人下地參之一家二人注賦給